

onn da scola 2019/20

preziai geniturs

caras scolaras, cars scolars

cun quest mail dun jeu enqual informaziun per l'entschatta digl onn da scola 2019/20 che stat sin rucca.

gliendisdis proxim ei messa da scola a breil allas 08.15, a danis allas 10.45.

pigl auter entscheiva la scola tier la persuna d'instrucziun da classa (pdi da classa).

l'emprema controlla da plugs ha liug mesjamna proxima, ils 21.08.

perucont igl aschinumnu di da joker ha ei dau ina midada. naven dil niev onn da scola eis ei buca pli pusseivel da prender il di da joker las davosas treis jamnas da scola.

contacts cun persunas d'instrucziun supplicheschel jeu da far da principi a bucca ni per mail. sms ni whatsapps ein (en connex culla scola) buns instruments da comunicaziun silpli sch'ei va per annunziar sche vies affon ei malsauns.

las comunicaziuns d'absenza ein da far dils geniturs, e buca dils affons.

damondas per dispensa ein d'inoltrar ad uras (mirei: uorden da scola, uorden disciplinar, uorden d'absenzas).

l'emprema persuna da contact en fatgs da scola ei da principi la pdi da classa, sche indicau ni giavischau era il menader da scola.

las seras d'informaziun per geniturs dils differents scalems han liug el decuors dallas proximas jamnas. las pdi da classa vegnan ad envidar.

dapli informaziuns anfleis vus sin nossa pagina d'internet scolasbreil.com, la quala ei era igl organ d'informaziun dalla SB. leu figurescha denter auter era il calender d'occurrentzas.

per incarica dallas duas pleivs tarmettel jeu en aschunta ina brev d'informaziun. sco quei che vus saveis prender orda quella, ein tuts scolaras beinvegni allas lecziuns da religiun. pils scolaras che giavischan il sacrament dalla communiun, dalla confirmaziun ni dalla creisma, ein las lecziuns da religiun oblogatoricas. vegn ei giavischau ina dispensa da religiun, ein ils geniturs supplicai d'inoltrar quella a scret al menader da scola entochen l'entschatta dalla scola (cuort mail tonscha: meinascola@breil.educanet2.ch).

ed ussa beneventel jeu tuttas e tuts il pli cordialmein agl onn da scola 19/20 giavischond in temps prospereivel.

salids cordials

per las scolaras breil/brigels

francestg friberg, menader da scola



brev religiun_II
(002).docx